



Broj: 02/5-1-30-1-7599

Dana: 26.10.2023. godine

Na osnovu člana 23. stav (3) tačka k) Zakona o unutrašnjim poslovima Kantona Sarajevo („Službene novine Kantona Sarajevo“, br. 1/16, 26/19, 31/19 i 39/20), člana 13. stav (1) Zakona o javnim nabavkama Bosne i Hercegovine („Službeni glasnik Bosne i Hercegovine“, br. 39/14 i 59/22), čl. 3., 4., 5., 6., čl. 7. st. (4), (5) i (6), te člana 9. stav (2) Pravilnika o uspostavljanju i radu komisije za nabavke („Službeni glasnik Bosne i Hercegovine“, br. 103/14 i 49/23) i čl. 14. i 15. Uredbe o kontroli javnih nabavki u svim institucijama čiji je osnivač Kanton Sarajevo („Službene novine Kantona Sarajevo“ br. 27/19, 29/19, 48/19 i 13/20), u skladu sa aktom Ureda za borbu protiv korupcije i upravljanje kvalitetom Kantona Sarajevo br. 20-11-43463-1/23 od 11.10.2023. godine, a po prijedlogu Sektora za materijalno-finansijske poslove br. 02/6-348/23 od 23.10.2023. godine, policijski komesar u Ministarstvu unutrašnjih poslova Kantona Sarajevo, **donosi**

RJEŠENJE

o imenovanju Komisije za postupak javne nabavke vozila za specijalnu namjenu

I

Za provođenje postupka javne nabavke vozila za specijalnu namjenu za potrebe Uprave policije Ministarstva unutrašnjih poslova Kantona Sarajevo, imenuje se Komisija u sastavu:

- | | |
|--|--|
| - Vlačić Sabina - predsjedavajuća Komisije | - Pašić Aida - zamjenik predsjedavajuće |
| - Idrizović Senada - član | - Delibašić Edin - zamjenik člana |
| - Hasanović Muhamed – član | - Ibrica Avdo – zamjenik člana |
| - Zolj Nijaz – član | - Omanović Nedžad – zamjenik člana |
| - Ćurovac Nermin - ekspert iz oblasti poznavanja propisa iz oblasti javnih nabavki | - Džano Ozana – zamjenik eksperta iz oblasti poznavanja propisa iz oblasti javnih nabavki |
| - Kukavica Haris – ekspert koji posjeduje stručno znanje iz oblasti predmeta nabavke | - Smajić Nijaz – zamjenik eksperta |
| - Hadžić Nedim – stručno lice koje posjeduje specifično tehničko znanje iz oblasti predmeta javne nabavke | |

Za sekretara Komisije imenuje se **Budić Dejan**, bez prava glasa, koji će za potrebe Komisije obavljati administrativno-tehničke poslove.

II

Komisija donosi poslovnik o radu.

Zadatak Komisije uključuje sljedeće poslove:

- pripremu tenderske dokumentacije;

- otvaranje zahtjeva za učešće;
- provođenje javnog otvaranja ponuda;
- pregledavanje, ocjenu i uspoređivanje ponuda;
- sačinjavanje zapisnika o ocjeni ponuda;
- sačinjavanje izvještaja o postupku javne nabavke;
- davanje preporuke ugovornom organu za donošenje odluke o odabiru ili odluke o poništenju postupka nabavke, te druge radnje predviđene Zakonom o javnim nabavkama.

Zadatak sekretara Komisije je da vrši administrativne poslove za Komisiju, priprema zapisnike sa sastanaka i izvještaje o radu Komisije, vodi i arhivira potrebnu dokumentaciju, te vrši i druge poslove koje zahtijeva predsjedavajuća Komisije.

III

Komisija je dužna o provedenom postupku javne nabavke sačiniti izvještaj sa obrazloženjem i preporukom, te primjerak istog dostaviti policijskom komesaru ovog Ministarstva radi donošenja Odluke o dodjeli ugovora.

IV

Obavezuje se predsjedavajuća Komisije da ostvari neposrednu komunikaciju sa delegiranim ekspertima i zamjenicima eksperata, radi obavještavanja imenovanih o terminu održavanja prve sjednice komisije, najkasnije pet dana prije održavanja prve sjednice.

V

Predsjedavajuća, članovi i sekretar Komisije za javne nabavke ne mogu učestvovati u radu komisije dok ne potpišu izjavu o nepristrasnosti i povjerljivosti, te nepostojanju sukoba interesa u skladu sa članom 11. Zakona o javnim nabavkama („Službeni glasnik Bosne i Hercegovine“, br. 39/14 i 59/22), odnosno da su upoznati sa odredbama člana 52. istog zakona, da su tokom cijelog postupka rada u komisiji dužni prijaviti mogući sukob interesa i tražiti isključenje iz rada komisije.

Ukoliko neko od članova Komisije ili sekretar Komisije, utvrdi da zbog mogućeg sukoba interesa nije podoban za učestvovanje u postupku javne nabavke, dužan je o tome obavijestiti ugovorni organ i s obrazloženjem zatražiti izuzeće.

VI

Komisija ima pravo na naknadu za rad u skladu sa Odlukom o načinu obrazovanja i utvrđivanja visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe („Službene novine Kantona Sarajevo“, br. 18/20). Za lica iz tačke I ovog rješenja, kojima pravo na naknadu nije regulisano Rješenjem o utvrđivanju naknade za rad komisijama za javne nabavke Uprave policije MUP-a Kantona Sarajevo br. 02/5-1-11-3-6558 od 29.09.2021. godine i br. 02/5-1-11-3-6558 od 10.12.2021. godine i br. 02/5-1-11-3-4104 od 20.05.2022. godine i br. 02/5-1-11-3-4312 od 15.06.2023. godine i br. 02/5-1-11-3-5914 od 11.08.2023. godine, donijeće se posebno rješenje kojim se utvrđuje navedeno pravo.

Eksperti i zamjenici eksperata ostvaruju pravo na naknadu za rad u komisiji u skladu sa Odlukom o delegiranju eksperata i zamjenika eksperata u komisiju za javne nabavke i naknada eksperta za rad u komisiji („Službene novine Kantona Sarajevo“, br. 47/20).

Zadužuje se predsjedavajuća Komisije da odmah po okončanju postupka javne nabavke, policijskom komesaru dostavi posebno obavještenje o angažovanju eksperata i njihovih zamjenika, uz navođenje vrijednosti javne nabavke, a radi donošenja rješenja o naknadi za rad imenovanim ekspertima, odnosno zamjenicima eksperata.

VII

Po okončanju poslova i zadataka zbog kojih je imenovana, Komisija je dužna Odjeljenju za pravne i kadrovske poslove, Sektora za pravne, kadrovske poslove i analitiku, dostaviti informaciju o datumu okončanja rada komisije.

VIII

Ovo rješenje stupa na snagu danom donošenja.



DOSTAVITI:

1. Imenovanim x14
2. U dosje x10
3. Sektoru za materijalno-finansijske poslove
4. Uredu za borbu protiv korupcije i upravljanje kvalitetom Kantona Sarajevo
5. a/a